

2  
CLARISSIMORVM  
VIRORV,;  
ANTONII ET VIDI  
LOISELLORVM,  
PATRIS, AC FILII.  
VITÆ.



P A R I S I I S,

---

M. D.C. XLIII.

## A D M O N I T I O.

**O**MISSUM est in Antonii vitâ quod sequitur, ideóque hîc annotandum id esse duximus.

*EXTRAIT du Procès verbal de la Coutume de Paris du 2. Février 1580.*

ET pour l'Estat de Noblesse, sont comparus M<sup>e</sup> Antoine Matarel Procureur general de la Reyne Mere du Roy, Comtesse de Clermont, & d'Auvergne, Duchesse de Valois, & d'Orleans, Comtesse de Melun, & Dame de Saint Maur des Fossés, assisté de M<sup>e</sup> ANTOINE LOISEL Aduocat en la Cour de Parlement, & de ladite Dame.


Cæterum, etsi Antonium hunc nostrum alij OISELLVM, alij aliter appellarent, nos tamen in isto libello LOISELLVM perpetuò scripsimus. Arbitrati enim sumus LOISELLI verbum propiùs ad nomen Gallicum & Gentile, LOISEL, quàm quoduis aliud accedere. Hæc te monitum volumus, amice Lector, & valere.

*Antonii Loifelli, in Senatu Parisiensi Aduocati vita.*

*pag. 3.*

*Vidi Loifelli, Senatoris Parisiensis vita.*

*pag. 12.*



# DE ANTONIO LOISELLO-DIVER- SORVM TESTIMONIA.



ACOBVS CUIACIVS *Iul. Pauli receptarum Sentent. lib. I. in Tit. 17. de Seruitut. Assentior &*  
ANTONIO LOISELO Ado-  
lescenti acutissimo, qui in Ausonii versu  
de Myronis bucula,

*Ageret iuuenas cum domum Pastor suas,  
Suam relinquens, me mouebat, ut suam,  
mihi indicauit legēdū esse, minabat ut suā.*

*Iterum CUIACIVS in Praefatione libri  
singularis Consultationum. In eā Consulta-  
tione quam meis pro exemplo singulari  
illius ætatis acceptam ab ANTONIO  
LOISELO viro omni eruditione & vir-  
tute præstanti, præfigendam esse duxi.*

*Idem CUIACIVS passim in operibus.*

ODETTVS TVRNEBVS *in libello qui di-  
citur LA PVCE DE POITIERS.*

Oserois ie suiure les pas

DE LOYSEL honneur de nostre âge?

STEPH. quoque PASCHASIVS, CLAVDIVS  
BINETVS, & NICOLAVS RAPINVS, *ibidem.*

PETRVS & FRANCISCVS PITHŒI *sparsim in operibus.*

IACOBVS AVGVSTVS THVANVS *in libris historiarum, & de vitâ sua, cuius testimonia præcipua referuntur in vita quæ sequitur.*

A. MORNACIVS *in libello qui dicitur, Fœria forenses, siue Elogia illustrium Togatorum Gallia ab Ann. 1500.*

ANT. OYSELLIVS Bellouacensis in Senatu Patronus Anno 1617. Mens. Apr

ANTONIVM OYSELLIVM CVIACIVS  
 Sæpe monumentis laudat haud metuentibus  
 Libitinam. at edidit ille victuras diu  
 Tabulas, quibus decoravit & gentē, & forum,  
 Octogenarioque major occidit  
 Inter nitentes liberorum purpuras,  
 Viridī senectā, semper & celebris foro,  
 Musis amicus, comitate & optimā.  
 Quæ vita in humanis alia beatior?

IOSIAS MERCERVVS *in Petri Pithœi vitâ.*  
 Itaque itum ad Pithœum, veteremque  
 eius amicum, & studiorum omnium cō-  
 munione coniunctissimum ANTONIVM  
 OYSELLVM, quorum hæc vtriusque laus,  
 quòd tā facile tantæ turbæ cōsiluerunt.

SCÆVOLA SAMMARTHANVS *in elogio eiusdem P. Pithœi.* His te simul & OISE-  
 LVM TVVM, doctissimum quoque virum  
 legationis comites addiderit.



# ANTONII

LOISELLI

IN SENATV

Parisiensi Aduocati

Vita.

**A**NTONIVS Loifellus Bello-  
uacus, natus est Anno 1536,  
Mense Februario. Patrem ha-  
buit Ioannem Loifellum, cuius Maiores  
si vellem hîc commemorare, frustra fa-  
cerem, cum præcipuos illorum, in Com-  
mentariis quos de Prouinciâ Bellouacē-  
si scripsit, ipse recensuerit. Verùm haud  
omittendum arbitror, auctore Chroni-  
ci, quod vulgò scandalosum nuncupatur,

Memoi-  
res de  
Beauuai-  
sis

A ij

Roya.

meminisse cuiusdā, quē vernaculā linguā nominat *Loisel de Balagny Capitaine de Beauvais*, & collocat inter primarię Nobilitatis viros, atque hastatorū Equitum Ductores, qui Roīam anno 1472. aduersus Burgundionum Ducem pro Rege tutandam susceperant. Mater ipsi fuit Catharina d'Auergne filia Nicolai d'Auergne Domini d'Authueil.

Is igitur duodecim Filiorū, quorum in domo Patris natus minimus erat, statim à primis annis, ingenio, cæterisque animi dotibus longè præstātissimus, ad Collegiū Prelatū Lutetiam missus est, vbi post emensum breui literarum humaniorum stadium, cum Petro Ramo magni nominis Philosopho ac Præceptore suo, tam arctā familiaritate conjunctus est, vt ipsius testamenti executionem postea meruerit. Demum Prudentiæ Ciuili destinatus, Tholosam profectus, præcellentis in jure viri Iacobi Cujacii discipulus factus est, & illum exinde Tholosā Biturigas abeuntem sequutus, tantum in eā scientiā profecit; vt passim in suis Commentariis Cuiacius ipse, multa se feliciter edoctum a Loissello, non

sine honorificis elogijs fateatur.

Postremò in Senatu Parisiensi factus Aduocatus, primas causas egit ad eò feliciter, ut breui doctissimi viri famam consequutus sit, præsertim apud Baptistam Meniliũ in Senatu Regiũ Aduocatũ, qui præcipuè propter eximias, quas in ipso nouerat animi dotes, Mariam Gulasiam sororis filiam, quam domi veluti Natam atque heredem perpetuò educauerat, illi nuptui collocauit.

Marie  
Goules;

Quæ quidem honesta affinitas Antonij virtutibus non mediocri subsidio fuit; quippe Vicariatũ Regiæ cognitionis munere, quod venale nondum erat, commendatione Menslii susceptò, maxima, quæ pendent ab illo, negotia tractauit, in quo tam celebre nomen adeptus est, ut cum regnate Henrico III. in Flexianâ collatione conuenisset, ut delegati ex Senatu Parisiensi in Aquitaniam mitterentur, qui jus assidue in Provinciâ dicerent, loco bipartita classis, in quâ propter animorum contentiones oh Religionis dissidium illis locis acriores, diuisis plerumque sententijs, Partes ultra modum vexabantur, atque anno 1581, cum Petro Seguiero Præsede,

Charge  
de Sub-  
stitut au  
Parquet.

rhuanus  
lib. 2. de  
vitâ suâ,

Lazarus Cocqueleius, Ioānēs Thumerius,  
 Claudius Puteanus, Michaël Huraltus  
 Hospitalius, I. Aug. Thuanus, alique  
 Senatores delegati essent, ipse lectus sit  
 qui cum viro amicissimo Petro Pithœo in  
 eâ classe Cognitore Regio, Aduocati  
 fisci munere fungeretur, de quibus  
 idem Thuanus testimonium egregium  
 his verbis adducit. *Antonius Loifellus vir  
 antiqui moris & singulari eruditione preditus,  
 Aduocati fisci, Petrus Pithœus vel solo nomi-  
 ne satis notus, Cognitoris Regij munere funge-  
 batur, par nobile non amicorum, ac veluti fra-  
 trum tantum, sed in consilijs pro Republicâ ca-  
 piendis, egregie consentientium collegarum biga  
 insignis, quibus amicis familiarissimè utebatur  
 Thuanus. E sermonibus quos ibi publicè  
 tunc habuit editæ sunt Admonitiones  
 octo, sub Aquitania nomine, in quibus ni-  
 tidam eloquentiam cum summâ erudi-  
 tione conjunctam videre facile est.*

Ea deinde res ad ampliorem honorem  
 eum euexit; Nam cum Lutetia Parisio-  
 rum perditorum hominum factionibus ve-  
 xata, atque horrenda belli ciuilis, ac diu-  
 turnæ obsidionis mala passa, tādēq; misce-  
 riarum suarum pertæsa, Regi suo inuictissi-

M. Pi-  
 thœo.

Thuan.  
 ibi.

La' Guyé-  
 ne de M.  
 Antoine  
 Loifell



mo Henrico IV, I. Lullerio Mercatorū  
 Præfecto primū reluctantē, demū  
 impulsu atque hortatu Loisselli consen-  
 tiente se dedidisset, & ad 28. Apr. An.  
 1594. Cancellarius in Senatū venisset,  
 magno Ducum ac Franciæ Parium, Con-  
 sistorialium Assessorum, & libellorum  
 supplicum Magistrorum comitatu, atq;  
 edictum Regis nomine de reductâ in  
 eius fidem atque obedientiam vrbe,  
 Senatuque ibidem restituto promulgas-  
 set, postulante Cognitore Regio, cuius  
 partes sustinebat tunc idem Pithœus,  
 iubente Senatu verba pro eo fecit Loi-  
 sellus, & postulavit Senatusconsulto de-  
 cerni; Deo publicam Gratiarum Actio-  
 nem, per generalem Supplicationē, in  
 Æde Cathedrali Diuæ Mariæ ad 22.  
 Martis quotannis renouari, eo quo nunc  
 etiam obseruatur, more. Extat adhuc  
 in eam rem illius oratio Patriæ aman-  
 tissimum, ac iuxta generosum animum  
 spirans.

Ad eiusmodi functiones honorificas,  
 antequā essent venalia Vicariatūs Regiæ  
 Cognitionis Officia, præclari Aduocati  
 promouebantur. Sed postea, cum per edi-

M. Lullier  
 Præ-  
 uost des  
 Mar-  
 chands;

Thuanus  
 Histor. I.  
 109,

Etum regiū ea munera vānirē capērent,  
 Loifellus cum suo Petro Pithœo, ex eo  
 ordine recedere maluit, quā cum no-  
 uorum officiorum emptoribus versari,  
 quamquam ipsis eorum diplomata re-  
 gia publicani gratis offerrent, quo bene-  
 ficio viros optimæ famæ sibi concilia-  
 re, eoque modo fucum Populo facere  
 sperabant. Quā animi constan-  
 tiā, quanta fuerit istorum virorum vir-  
 tus ac probitas, conjici facile potest,  
 qui lucrum etiam aduentitium, & ino-  
 pinatum, ob id solum fastidierint, ne  
 inter primos emptores sua nomina re-  
 censerentur.

Munus igitur venale cū Loifellus  
 abnuisset, ad pristinum Confessum,  
 & Consultorum Aduocatorum So-  
 lium se recepit, vbi complu-  
 res Amicos comparauit, gratuitum  
 multis officium præstans, & summā  
 cum honestate cunctis inseruiens. Quo  
 viuendi more tam integram famam  
 apud bonos adeptus est, vt magnus  
 ille, de quo supra Thuanus, cum, sæ-  
 pius se per otium senectutis inuisen-  
 tem, palam complexus, apertè pro-  
 nunciaret

nunciaret, Loifellum vnum in terris  
superesse, qui, corruptis rebus, Vir  
alicuius pretii, ac valoris esse, sibi vi-  
deretur.

Iam sexagenarius, cū alioquin  
per omnem vitam Deum sedulò co-  
luisset, plus seriò de morte cogitare  
cœpit, ac rerum forensium curam pe-  
nitens abiecit, nisi fortè ad Amicos,  
aut Inopes rursus consilio, vel alio  
modo quandoque subleuandos inten-  
deret. Studiis autem honestissimis, in  
quibus *primas*, vt ait idem Thuanus,  
iamdudū *ferebat*, ac præsertim sacris, se  
totum dedit, inter quæ, Historiæ Bel-  
louacensi illustrandæ, vt *Gratus in Pa-  
triam*, quemadmodum & ipse refere-  
bat, *superstesque viueret*, operâ dedit, cu-  
ius Cōmentaria expleuit anno 1617,  
Ætatis suæ 81; Cæteras quoque Lucu-  
brationes, veluti Gallici Juris Regu-  
las; Admonitiones quas in Aquita-  
niâ habuerat; suauissimos de Pari-  
sienfibus Aduocatis Dialogos, qui  
nondum in lucem editi sunt; Catonia-  
na item Disticha; Senilia quædam;  
atque alia Pietatis Christianæ Car-

Lib. I. de  
vitâ suâ A.  
1574.

mina factitabat, aut recensebat; Psalmos quoque Dauidicos, quōtidie multos, summā cum alacritate, legebat; coque modo vixit, læto semper atque alacri animo, sano vegetoque corpore, vltra Annum Ætatis 81, ad Aprilis autem 28 Ann. 1617, quo post quinque Hebdomadarum morbum, ex Pulmonis æstu, medius inter Filios, ac Nepotes, quos, post benedictionem suam illis impartitam, ad Timorem Dei, mutuam Charitatem, Innocentiam vitæ, veramque Pietatem cohortatus animum ad vsque finem sanum, semper in Christo meditantem, in eoque spem omnem collocantem Deo reddidit, Vir verè Abraham, *Prudens vt Serpens, simplex vt Columba.* Filios habuit Antonium, quem illius ætatis anno 40, & magni nominis tunc vtique Senatorem, eo vno, vt ita dicam, per vitam infortunio concussus, amisit. Superstites reliquit, vnicum Vuidum, de quo postea. Filias autem quatuor lectissimas foeminas, Catharinam Vxorem Guillelmi Monualetij,

in classe rationum Ærarij Regij, Cor-  
 rectoris; Mariam, Guillelmi Iolij ad Lieutenant  
 Conestabilis & Mareschallorum Fran- general de  
 ciæ Marmoreum Parisiensis Palatii la Conne-  
 Tribunal Præfecti; Valentinam Guil- stable.  
 lelmi Marescotii Libellorum suppli-  
 cum Magistri, & Claudiam in Mona-  
 sterio Vuariuillæ in Bellouacis Deo  
 dicatam.



VVIDI LOISELLI  
SENATORIS PARI-  
SIENSIS VITA.



ANTONIO LOI-  
fello, & Mariâ Gula-  
fia, de quibus suprâ  
dictum est, Natus est  
Vuidus Loifellus Lute-  
tiæ Parisiorum 1. die Anni 1571, cu-  
ius quidem prima felicitas extitit,  
quòd sacro Baptismo jnitiatus, Pa-  
trinos habuerit, Viros præcellentis  
famæ, Vuidum Fabrum Pibraccium,  
& Augustum Thuanum, tunc in Se-  
natu Regios Aduocatos.

Deinde, cùm à tenerioribus An-  
nis ad Collegium Burgundionum mis-  
sus esset, ad eò breui profecit, vt ante  
14 Ætatis Annum, vniuersum stu-  
diorum spatium confecerit, plus ta-  
men ex optimi Patris ore lusingando  
discens, quàm ex vllorum Præcep-

torum industriâ , vel lectionè libro-  
rum. Itaque vix Pubes factus , Iuris-  
prudentiæ discendæ cùm Antonio fra-  
tre Majore profectus est Biturigas ad  
I. Cujacium Ant. Patris, vt dictum est,  
in eâ scientiâ quondam Præcepto-  
rem, & etiamtùm amicissimum ; Vbi  
per triennium ferè commoratus, non  
eo, quo nunc, more, nempe disputan-  
do ; sed leges ipsas memoriter discen-  
do, per species exponendo, cùm li-  
teris humanioribus, & historiâ Ro-  
manâ coniungendo ; Iuris Consultis-  
simus euasit.

Hoc loco notandam duxi, quam-  
quam in re fortasse leui, non vulgarem  
Vuidi industriam ; quippe qui per id  
tèmpus, horis à seueriori disciplinâ  
succisiuis, solus absque Magistro  
Cytharam ritè pulsare didicerit, in- Vo Luch.]  
strumentum musicum, si quod vllum  
est, tangi difficillimum.

Hinc egressus, tametsi Parisiensis  
Ecclesiæ Canonicatum ab Arnulpho  
Menilio, Matris Auunculo conces-  
sum, & Prioratum vulgò de Cathedra nuncupatum, possideret, in Senatu

Prioré de  
la Chaize.

Parisiensi factus Aduocatus , successu felicissimo causas egit : Rebus enim agendis natum in otio delitescere, nullique prodesse, multorum Ecclesiasticorum more , pudebat.

Verumtamen cum eo tempore bellis Ciuilibus & factionibus perditorum hominum, qui sub sacrae vnionis Titulo , & Catholicæ Religionis tutandæ prætextu, reuerà contra Dei Præceptum generoso Principi , ac Regi inuictissimo Henrico I V. debitam regni successionem ad Hispanos , Francici sanguinis ac nominis antiquos hostes, transferre coniurauerant , omnia sacra, profana, sua deque verterentur, & ipsa Lutetia , Urbium Regina , nefariæ Libidini seditiosorum hominum iam seruire coacta, Regis obsidionem pateretur, Vuidus ne forte Patri, qui cum cæteris ciuib<sup>9</sup> à parte Regis stantib<sup>9</sup>, etià necessariis rebus egebat, & ià ex argenteâ supellestile victitabat, diutiùs oneri esset, eo animo fuit, vt cum paucissimis nummis , domo atque Vrbe egressus, Comite quodam equite Patris Amico, qui ad Regem commigra-



bat, Deo solo confisus fortunam temporis experiri statuerit, ac vitæ suæ subsidium tempestivum inquirere; vbi iuvante Io. Gulasio Auunculo, ad Quæsturam Ærarii publici primario delegato, ideoq; apud aulicos nō mediocriter pollenti, paululū pecuniæ ex Prioratu de Cathedrâ, quo nobilis quidam vicinus Beneficio Belli atque Armorum vi fruebatur, accepit, quâ veluti Mannâ favore cælesti missâ, Mensibus aliquot per incommoda tempora sustentatus est, donec sedatis huiusmodi seditionibus atque turbis restitutâque Regi Lutetiâ, domum remigravit.

Premier  
Commis  
de l'Épat-  
gnc.

Ibi repentinæ Pacis bono fruens ad iucundum otium Literarum conuersus, multas horas quotidie literis humanioribus, & historiis impendebat, & vt secessum aut cum doctis colloquia potissimum requirunt illi qui Musas diligunt, quodâ die verno qui suaviter illucescebat ad peripateticâ deambulationē cū I. Brussellio postea Senatore, & H. Chouarto viris amicis, ac literatis, iuxtâ muros Carthusianorū pro-

gressus, duos milites offēdit pauperculæ Mulieri fabas ac legumina quæ collegerat, per vim auferre conātes; quam iniuriam, cū generosus animus diutiùs tolerare nequiret, Mulierculā tutari aggressus, fortiter in eorum alterum infiliit, eique ensem ademit, quo se mulieremque aduersus scelestos inuasores diū protexit, donec gladium præ fulgore solis rutilantem, quidam per planum venatores à longè conspicati, duellum rati, celeriter aduolarunt, & causā cognitā oblatum ensem a Loissello cum magno virtutis tantæ præconio fugatis procul nebulonibus receperunt.

Amiens.

Per hæc ex improviso Samarobrinā Ambianorum ab Hispanis interceptā, tanta consternatio, quasi redintegrari ciuilia bella cœpissent, bonos omnes inuasit, et omninò de totius Reipublicæ salute desperandum plerique censerent; Quod tamen malum maximo Vultu bono deinde cessit, nam Senatorum Parisiensium munera per infelicitatem temporis adeò viluerunt, vt vix ipsorum emptores inuenirentur.

Quā

Quâ occasione Antonius Pater de Sena-  
torio munere Ecclesiastico, propinquis  
& amicis animum eius multum vacillā-  
tem ad id impellentibus, ij. Iulii Ann.  
1597. pro Vido pactus est: Pretium fuit  
octo millia librarū, hac ætate non me-  
diocre dispendium. Is igitur diplomate  
Regio Senator nuncupatus, trāfactis tan-  
tū septē hebdomadibus, 3<sup>o</sup>. nēpe Sep-  
tembris, Protopræsidis Harlæi, Loifelli  
Patris amicissimi, haud vulgari illis tem-  
poribus gratiā, ( nam sæpè per plures  
annos plerique tunc ambiebant ) ad-  
missus est, & in tertiā classe fungendo  
muneri locum accepit. Ibi notandum  
videtur, quòd cū eo tempore Senato-  
res solemnī Sacramento se obstringere  
consuescerent sua se munera pretio con-  
uento non comparasse, Loifellus contrā  
negotiū veritatem peierare noluerit;  
quod omnibus magnoperè placuit. Nam  
illicò statutum est, vt id iusiurandum  
à nemine in posterum exigetur.

Ad Annum 1603, cum Renato Potiero  
Episcopo Bellouacensi, qui Loifelli fa-  
miliam omnem valdè diligebat ac in  
primis Vidum, cui etiam Canonicatū

Bellouacensis Ecclesiæ contulerat, profectus est in Italiam; cuius itineris non pauca patrio sermone scriptis annotauit, digna certè quæ prodirent in lucem, & publici iuris fierent.

Exinde cum Lutetiam reuersus esset, ipsius virtus magis ac magis innotuit, atque adeò inclaruit, vt cum Præceptor optimo Regi Ludouico XIII. tunc Delphino quæreretur, Vidus postulatus sit, qui munus istud obiret. Verùm ab illo, tametsi magnoperè sibi honorificum esse duceret, excusauit, tum quòd vereretur non liberum sibi fore quibus vellet moribus, & institutis Principem adolefcentem informare, tum quia vitam aulicam non libenter viueret.

Ad Annum 1621, cum accepto nuncio deplorandæ mortis generosissimi Principis Meduanæ Ducis ad Montalbanum cæsi, seditiosi homines magnâ frequentiam concitati quosdam è Sectatoribus nouæ Religionis crudeliter necassent; Loifellus, vt ipsis effugium patefaceret, eorumque saluti isto modo consulere, Claustri B. Mariæ, in quo habitabat, & cuius Dux vrbanus erat, portas omnes

obserari iussit præter illam quæ ad Se-  
 quanam iuxtà Terrenum aggerẽ respicit, Le Tæ-  
rain.  
 quâ miserî homines, furore cõmotæ ple-  
 bis eluso, cymbis aduecti recipiebantur;  
 & ità non paucos à crudelitate seditio-  
 forum vindicauit; in eo, quidquid obie-  
 ctent maleuoli, S. Martinum imitatus,  
 qui referente Sulpitio Scuero Priscillia-  
 nistarum capite damnatorum cædem  
 moerens, primò *Maximum Imperatorem*, ut  
 ab infeliciū sanguine abstineret, orauit, mox  
 etiam *Ithacium & alios Episcopos increpauit*,  
 ut ab accusatione desisterent, quamquam illi  
 viro planè *Apostolis conferendo infamiam hæ-*  
*resis palàm etiam obiectarent.* Non minùs  
 igitur Loifellus omnem in Religione  
 vim auersabatur, atque idem facile sen-  
 tiebat quod Firmianus, qui diuinarum  
 instit. l. 5. eleganter scribit. *Longè diuersa*  
*sunt Carnificina, & Pietas, nec potest aut ve-*  
*ritas cum vi, aut iustitia cum crudelitate con-*  
*iungi; & ideo defendenda Religio est, non oc-*  
*cidendo, sed moriendo; non sæuitiâ, sed patien-*  
*tiâ; non scelere, sed fide; Illa enim malorum*  
*sunt, hæc bonorum; & necesse est bonum in*  
*Religione versari, non malum. Nam si san-*  
*guine, si tormentis, si malo Religionem defen-*

*deere velis, iam non defendetur illa, sed polluetur. Nihil est enim tam voluntarium, quam Religio, in quâ si animus sacrificantis auersus est, iam sublata, iam nulla est.*

Interea Loifellus in munere Senatorio ita perpetuò versabatur, vt ipsum Relatorem, non tantùm Religio, iudicandi vis, & inquirendi Sagacitas, facultas denique explicandi negotii, sed etiam facillima Comitas, quâ quemlibet admittebat, & audiebat, præoptandum omnibus faceret.

Ab Anno verò 1617, quo cum Patribus maioris, quam vocant, Camerae, suo ordine confessum habere cœpit, in publicis negotiis ritè tractandis, ac salubriter constituendis adèò prudentem, ac generosum vbique se præstitit, vt si quid inopinati, vel aduersi contingeret, ad ipsum oculos plerique Collegæ conuerterent; ab eo præsertim tempore, quo Cardinalis Richelius, rerum clauum tenens, sub optimi Regis nomine atque auctoritate Senatum laceßere cœpit, eiusque vim ac robur paulatim adèò concussit, vt consiliis, quibus ille tandem occupauit vniuersum Imperium, nus-

quam obsisterē valuerit.

His igitur de causis Loifellus, quā flagrabat in Patriam, ac Senatum charitate, cum amicis calamitatem sæculi, & imminentem tempestatem frequenter deplorabat, & in Richelium non modò tamquàm in hominem sceleratum, sed etiam qui mentis parùm compos erat, paulò liberiùs quàm tempora ferebant, inuehebatur. Quid enim iniquius, aiebat, quàm nouis quotidie vectigalibus & exactionibus populum expilare? Regis Matrem, cui omnia debebat, vnicum quoque Fratrem non tantùm ex aulâ, sed etiam è Regno secretis artibus eiecisse? Principes ac Magnatès omnes inuisos Regi facere? Quoslibet absque vllâ iudiciali formulâ perpetuis carceribus includere? Alios delectis & affectatis iudicibus condemnandos tradere? Singulis Senatoribus, de rebus quæ proponerentur sententiæ dicendæ libertatē eripere, si quid mussitarent, interdicere, relegare, proscribere? Quid autem insanius, quàm hominem priuatum Imperia perpetua meditari? Vnumquemque velle sibi cum tremore subiici? Periculosa quæque, non præ-

uifis euentibus aggredi ? Fastu plusquam  
regio viuere ? Dúmque vniuerfa plebs  
egeltate confecta tabefceret, in rebus  
non modò inutilibus, fed etiam Eccle-  
fiastico viro prorfus indignis, veluti co-  
mædiis, atque conuiujs, impensas im-  
moderatas facere ?

Eiufmodi multa Loifellus Richelieu  
iam tùm imputabat : & quamuis  
bellum Hispanicum, atque alia quæ  
fequentibus vndecim annis confecta  
funt, morte præuocatus non viderit,  
ea nihilominus omnia, quâ fuit ani-  
mi sagacitate, prædixit. Ex præcedenti-  
bus enim aiebat facile coniici poffe,  
Richelium regnandi cauſâ, nihil non  
moliturum, nec ideò dubitaturum pro  
viribus vbicumque bellum accendere,  
cunctos qui contra fe niterentur quo-  
quo modo opprimere, ipſi Regi, ſi quan-  
doque obſiſteret, Sceptum eripere, om-  
nia denique diuina, humanaque iura  
confundere ; Richelium quippe, dum  
dominetur, ad omnia paratum eſſe.  
Quibus conficiendis, ſi dolis, ſi verſu-  
tiâ, ſi fraudibus opus fuerit, vix vllum  
reperiri poſſe, qui norit audaciùs impo-



nēre, vafriùs fimulare, subtiliùs denique Circulatorem agere. Nimirùm id ipsum erat, quod Clemens VIII. Pōtifex Maximus iam tūm augurabatur cūm de Richelio adhuc Adolefcen- te legitimam ætatem, vt citiùs Presbyter fieret, mentito, & poſteà, quò tenerioris conſcientiæ videretur, veniam periurii poſtulante, vernaculo ſermone palàm hæc verba pronunciauit *Queſtò Giouane ſarà vn gran Fourbo.*

Loüeur de  
Gobelets.

Hæc & huiusmodi plura Loifellus de Richelio ſentiebat, & ominabatur. Necnon ipſius occasione quandoque reuocabat in mētoriam, atque etiam approbabat, quod notat Rob. Gaguinus in vitâ Caroli VI, ſic inquiens. *Erat Cardinalis quidã Romanus Ambianenſis appellatus, qui Author fuerat augendi Cenſus & Tributi: & ſeuere aliquando Carolū, dum adhuc viueret Pater, tractabat. Quā rem tunc recordatus Carolus ad Sauoſum qui propè adſtabat, Ecce jam, inquit, Sauoſi, de hoc Sacerdote liberi erimus. Quo verbo territus Ambianenſis conſeſtim per Duacum Aunionem ſe recepit, exportato ingenti Theſauro, quem ſibi ex Publico contraxerat. Il-*

lud siquidem nonnumquam compertum est inter Francos plus damni in Rempublicam inuehi dum Sacerdotis consilio res agitur, quam cum prudens aliquis ex seculi nobilitate, rebus gerendis præficatur. Ille enim nescio quâ insatiabili ambitione omnia sibi vindicat, hic Populi misertus, & communitalis detrimentum suum esse ratus, Reipublicæ benè, ut potest, consulit. Ille fastum & pompam ex dignitate metiens, eò audaciùs diuitias congerit, quò minùs ultionem timet Ecclesiasticâ libertate protectus. Hic autem opes suas cum Republicâ coniunctas esse non ignarus, ex publico incommodo priuatum quoque auguratur. Nam quæ res suas ex Reipublicæ statu considerat, illas sine hac nequaquam stare posse intelligit.

Cæterùm Loïsellus à probis viris eò libentiùs audiebatur, quò magis absque priuato ullo odio, vel linore, sed ex abundantia cordis optimi, publicisque malis afflictis loqui censebatur. Et id quidem verissimum erat. Cum enim benè velle Loïsello Richelius aliquando testatus esset, Loïsellus contrà bene velle Richelio, si saluâ Republicâ liquisset, & tenebatur, & vehementer optabat.

operabat. Huius autem mutuae beneuolentiae occasio sic contigerat. Vacauerat in familiâ Loifelli munus quoddam exiguum cuius diploma pendebat ab Alexandro Vindocino magno Franciæ Priore, qui tunc in Vicennarum castro detinebatur, & ad quem absque Richelii consensu nullus admittebatur. Quapropter Dux Bellogardius qui Loifello pro sororis filio munus istud ambientem suam operam pollicitus erat, à Richelio conueniendi Vindocini copiam postulauit. Richelius autem statim audito nomine Loifelli quem ad suas partes trahere valdè cupiebat, negotium agendum ipse suscepit, & missis ad Vindocinum commendatitiis literis feliciter ac breui confecit. Loifellus igitur, ut accepti absque ambitu beneficii quas debebat gratias ageret, Richelium conuenit. Quâ occasione Richelius eum tantâ humanitate deliniuit, quantâ nec tùm Principes excipiebat; Se dolere inquit munus, istud adeò modicum esse, verùm in omnibus aliis rebus maioris momenti, ipsi quem plurimi faciebat, & cuius beneuolen-

M. de  
Vandosme  
grand  
Prieur de  
France.

M. de  
Bellegarde.

tiam modis omnibus exoptabat, inferuire paratum esse. Deinde discedenti, extrà cubiculum ad superiores vsque gradus comes fuit, & Equitem exinde, qui ipsum ad vsque currum extra limen Palatii deduceret, accersuit.

Cùm igitur occupati Principatùs initio Richelius, bellum Rupellensibus denunciare statuisset, ne si diutiùs starent, multi qui sibi aduersabantur, apud illos perfugium haberent, huic consilio adiutando vndique conquisiuit, ac negotiis præfecit quos nouæ Religionis hostes acerrimos esse iudicabat, atque in primis Michaelem Marillacum, quem ideò Procancellarium fecit. Is ad Annum 1589. etiam tùm Senator, comes & stipator adfuerat Buffio loricato, qui cum Baptista Machaldo, & Bastono, maiorem Senatus, quam vocant, Cameram ingressus, Patres deliberationem iam coeptam persequentes, cum Achille Harlæo, deplorando prorsus spectaculo, vilis homo, nihil loci Religionem in quo pedibus ipsorum aduolutus mercenario Procuratoris officio defungi consueuerat, reueritus, in custodiam

Thuanus  
Hist. l. 94.  
Qui tamē  
Guillel-  
mum pro  
Michaele  
scripsit,

rapuit. Quapropter Loifellus de-  
 ctum istum Marillacci non medio-  
 criter improbat, nec minùs se mi-  
 rari aiebat Richelii temeritatem, qui  
 rebus iudiciariis præficere, ac Prin-  
 cipalem Magistratum assignare non  
 vereretur hominem, quem historia  
 publica supremæ iustitiæ Templum ac  
 Ministros audaciâ non tolerandâ violas-  
 se prodidisset; ideóque, quamvis maio-  
 ris Camere Patres solerent novos Pro-  
 cancellarios salutandi atque gratulandi  
 causâ visitare, Loifellus istud officium  
 Marillacco tunc exhibere noluit, ne  
 fortè non gratus esset homini, à cuius  
 ingenio ac moribus non parùm dis-  
 crepare se sentiebat.

Richelius igitur Marillacco ad sus-  
 cepti negotii prosperiorem euentum  
 ministro comparato, specie belli, ut  
 videbatur, sacri, perpetuò mandabat  
 pecunias undique colligi, & ne po-  
 pulus id ægrè ferret, post deuictos  
 Rupellanos ætatem auream sperari iu-  
 bebatur. Loifellus autem, qui longè  
 cernebat acutius. & ad ipsius intima

iampridem penetrarat, euersâ Rupellâ,  
 ( quod sine dubio breui fore pronun-  
 ciabat, quandoquidem Richelius ad  
 id accelerandum nihil omitteret, nec  
 vllius Saluti, Vitæ, Facultatibus de-  
 nique parceret, ) multò calamitosiora  
 tempora volebat expectari.

Rupellensibus itaque debellatis, ne  
 non succedere videretur quod Riche-  
 lius pollicitus erat, quasi primùm e-  
 mendandis abusibus qui iampridem ir-  
 repserant, opus esset intendere, Ma-  
 rillaccus Constitutiones nouas condi-  
 dit, quarum promulgatio Senatui  
 multotiès iniuncta est. Verùm ex plu-  
 ribus vna præcipuè valdè periculosa  
 videbatur, quâ statutum erat, vt qui  
 deinceps læsæ Maiestatis accusati es-  
 sent, viris ad Regis libitum delectis,  
 iudicandi traderentur. Id à Richelio  
 Marillaccus iussum acceperat, vt qui  
 sibi aduersarentur, ab electis affecta-  
 risque iudicibus iure vel iniuria fa-  
 ciliùs condemnarentur. Verumta-  
 men quamuis ista Constitutio in

primis explosa esset , & improbata ,  
 non abstinuerunt assignati iudices a-  
 condemnando quodam , nuncupato  
 Castrino , quem suspendi , simul & ac-  
 cusationis instrumenta comburi iusse-  
 runt , Michaële à Campis libellorum  
 supplicum Magistro relatore ; qui cum  
 paucis post diebus in Senatum venisset ,  
 & in criminali causâ contrâ ordinem ,  
 Patrumque votum adesse , ac senten-  
 tiam ferre , audaciùs vrgeret , à Loi-  
 sello conticescere atque abire monitus  
 est ; nam si reluctaretur , ac de Castri-  
 no , quem plectendum curauerat , ratio-  
 nem reddere iuberetur , vix fortasse  
 posse . Ille contrâ se sui facti sponsores  
 perquàm optimos habere , neque vl-  
 lum pertimescere respondit . Sed iterum  
 Loiselus obstitit prædictis addens , ne  
 pergeret adstantium animos exulcera-  
 re , nam si Senatusconsulto propter  
 eundem Castrinum carceri mandare-  
 tur , quos fautores sibi fore tantoperè  
 sperabat , ipsum non exindè facilè li-  
 beraturos . Coactus igitur ille secede-  
 re , confestim ad Marillacum conque-  
 stum abiit , à quo responsum accepit , si ab

àlio quopiam contumeliam istam passus  
esset, non impunè ei fore, sed quoniam  
à Loifello Senatore famâ non minùs  
quàm iustitiâ & probitate celebri, vindi-  
ctæ locum non superesse.

Ad Annum 1630, quatuor Senato-  
rum, ac duorum Libellorum suppli-  
cum Magistrorum muneribus Edicto  
regio creatis, idque promulgare Se-  
natu iusso, Loifellus officiorum, ac  
præcipuè nouorum multitudinem iam-  
pridem odio habens, eamque populo  
non parùm incommodam reputans,  
nullomodò admittendum esse cense-  
bat; ideoq; à frequente Senatu pariter  
sentiente repudiatum est. Sed quoniam  
Richelius negotium istud in primis vr-  
gebat, rursus paulò pòst eiusdem pu-  
blicationi Senatus iussus est intende-  
re. Quandoquidem autem Loifellum,  
cuius auctoritatem in Senatu non  
mediocrem esse nouerat, fortiter aduer-  
saturum præuideret, illâ machinâ, quæ  
constantissimos etiam expugnare con-  
suevit, hoc est, opum & honorum op-  
blatione, experiri decreuit, an ille



flecti, vel saltem molliori posset; ided-  
 que A. Ruzęum Effiati Marchionem  
 Franciæ Marchallum, & Supremum  
 Thesauris Regijs Præpositum ad ip-  
 sum delegavit, quem Ruzęus, qua-  
 si tantum honoris causa convenire vo-  
 luisset, sermonibus variis, & ad  
 Rempubicam nihil pertinentibus,  
 vtrimque primùm habitis, tandem  
 ex abrupto compellare cæpit, ac dice-  
 re; se penitus ignorare, qualis esset  
 ille, cuius naturæ, vel ingenii, qui,  
 quandoquidem omnes ad se, Riche-  
 liumque respicerent, benefactores ex-  
 pectarent, eaque de causa frequenter  
 adirent, vnus ipse quasi fastidiret, num-  
 quam inuiferet, & nihil postularet;  
 Magnoperé Richelium desiderare mul-  
 tis illum beneficiis cohonestare, si  
 pati vellet; audacter itaque pronon-  
 ciaret, quid optaret, & offerri cupe-  
 ret; nam omninò se, Richeliumqne vo-  
 tis illius obsecundare paratos esse. Hoc  
 affatu Loissellus non parùm obstupefa-  
 ctus, aliquantulùm hæsit. Cùm tamen  
 quid Ruzęus vellet, satis intelligeret,  
 eâ viuacitate ingenii quâ pollebat,

Surintē-  
 dant des  
 Finances

statim & opportunè respondit, se maximas ipsi gratias tot beneficiorum oblatorum & habere, & agere, verumtamen, quoniam scire vellet quid in votis haberet, cuiusmodi se virum esse, qui totā vitā lectulo paterno, eodemq; laneo, necnon togā vndulatā, hoc est, ex cymatili confecta, (vtrumque autem digito demonstrabat) valde contentus egisset; ideoque se non opus habere, vel ipsi, vel Richelio importunum fieri. Quo dictorio tam conciso, tamque mordaci percussus ex improviso Ruzæus ultra nihil ausus effari, confestim salute datā, receptaque discessit. Itaque istius quoque edicti promulgationi fortiter obstitit, & quoniam ius illud pecuniam annuam soluendi munerum seruandorum causa, quod Poletta vocatur, tunc temporis expirauerat, & Patribus, si vellent Edicti promulgationi consentire, restituendum grati promittebatur, Loifellus sententiam ferendo; magnoperè se mirari ait sæculi impudentiam, quo qui rebus præerant, (designabat autem Aulicos ac præcipuè Richelium) quosdam è Senatoribus

natoribus auro beneficiisque sibi priuatim deuinxisse non contenti, Senatū etiam vniuersum impudentiā non tolerandā palām corrumpere præsumerent. Nam jus istud annuum Senatui gratis oblatum Edicto promulgando, idem esse ac si pecunia numerata suppeditaretur, quā cunctorum opinioniones emerentur. Proinde cū Quidam pro debito Muneris huic Promulgationi non obstitisset, imò tergiuerfando propemodū consensisset, Loissellus ipsi Palatio egredienti fortuitō obuiam factus, adstantibus Cognitore atque altero Aduocato Regiis Viris integerrimis, suam vecordiam verbis acrioribus obiecit, quæ tamen ille ne dicto quidem vllō repercutere ausus est; de cuius stupore atque silentio qui sequebantur Regij Proceres vix risum cohibere poterant.

Sectatoribus nouæ Religionis minò confectis, cū Richelius Pro-cancellarium Marillacum non modò sibi jam inutilem esse, verū etiam forās a Regis Arcanis ejiciendi se, Cōsiliū cepisse deprehendisset, Magi-

stratu Procancellariatùs spoliatū con-  
 jecit in carcerem. Ipsius quoque Fra-  
 trem Franciæ Mareschallum, eiusdem  
 Consilii participem, violatæ Prouinciæ  
 Verdunensis quā moderandā suscepe-  
 rat, Peculatus, atque Repetundarum  
 accusauit, ipsique condemnando Con-  
 stitutionum quas paulò antè Procanc-  
 cellarius frater scripserat, auctoritate,  
 Iudices electos delegauit. Is, autem,  
 vt capiti periculum imminens auerte-  
 ret, Senatus opem implorabat, ipsius  
 esse dicens de Mareschallorum Franciæ  
 criminibus cognoscere. Libellū itaque  
 supplicem huic offerre decreuit quo pe-  
 teret accusationis cognitionē eò trans-  
 ferri, ac delegatis Iudicibus interdici.  
 Qui vellet autem ipsius esse Relator,  
 præter Loisellum, neminem videbat.  
 Verebatur tamen ne propter istud,  
 quod diximus, opinionum, morū-  
 que discrimen, ab officio sibi præ-  
 stando, paulò esset alienior; Sed cum  
 Eundem non minùs strenuum, quàm  
 omnibus, ac præsertim oppressis, bene-  
 facientem pro comperto haberet, ad-  
 eundem omninò deliberauit. Itaque

per vxorē ei Libellum suum obtulit, quem Loifellus in Senatum se relaturum & amanter pollicitus est, & generosē retulit. Quamuis autem omnes boni Loifellum humanitatis, suæ collaudarēt, crāt tamen qui mirabantur, quòd ad protectionem hominis, cuius Fratrem propter istā ingenij dissensionem, haud valdè diligebat, adeò libenter intenderet. Sed ad id illo respondebat, Marillacum Procancellarium Animi quidem impatientis & turbulenti semper extitisse; Marillacum quoque Mareschallum ab eā, quā vexabatur, accusatione se non planè innoxium existimare. Facillimè enim se credere, Pecunias Regias & dilapidasse, & damna non pauca quæ fieri à cæteris Ducibus haud insueta sunt, intulisse, sed quæ fortasse supplicium extremū non mererentur. Se autem apertè cognoscere, Richelium datis Iudiciis extraordinariis in vltimam ipsius perniciem per fas & nefas obtentu criminum obiectorum coniurasse. Quapropter optimum sibi videri, vt Procancellarius tandem apertis oculis agnosceret, ab vno Sena-

tu quem toties agitaueat, salutem  
 Fratris expectandam esse; ibique Iusti-  
 tiam aliquam, si quæ sit adhuc in terris,  
 superesse. Ipsi porro Senatui præcla-  
 rum ornamentum fore, cum accepta-  
 rum iniuriarum immemor, in causâ  
 non admodum iniquâ, subleuando vi-  
 ro violenter oppresso, atque afflicto, suâ  
 auctoritatem interponere non recusa-  
 rit. Ceterum se credere Procancellario  
 missum esse cælitus istud infortunium,  
 quod si æquo constantique ferret ani-  
 mo, delictorum suorum expiationi non  
 parum profuturum esse.

Interea cum Rumor ortus esset,  
 quamquam vanus, Loisellum condi-  
 tionis temporis pertæsum de munere  
 Senatorio vendendo deliberasse, nec  
 id ullomodo placeret Collegis, qui  
 ipsius animum atque Consilia, præ-  
 fertim eo statu Rerum, valde necessaria  
 iudicabant, mentem illius ab eâ sen-  
 tentiâ diuertere Protopræses Iaius à  
 Patribus maioris Camerae rogatus est.

Permansit igitur Loisellus in offi-  
 cio suo constans ac strenuus, ad exi-  
 tum Anni 1631. quo Richelius præ-

M. le Fay  
 premier  
 President.

textu puniendorum adulteratæ mon-  
 etæ fabricatorum, quibus Senatum  
 paulò nimis indulgentiorem esse cau-  
 sabatur, Iudicum classem è diuersis  
 Subsellis electorum instituerat, qui  
 Iurisdictionem suam in arce, quæ vul-  
 gò dicitur Arsenale, excercerent. Fa-  
 ctum est igitur vt ipsorum iudicio qui-  
 dam, exemplo prorsus insolito, no-  
 ctu suspensus fuerit; quo ad Senatum  
 relato, Loifellus paulò acrius in sup-  
 plicium istud inuectus; omnibus hu-  
 iusce classis Iudicibus officio suo in-  
 terdici censuit, & libellorum suppli-  
 cum Magistros qui classi præerant in  
 Senatum per apparitorem accersiri,  
 quò rationem facti sui redderent; ad  
 quam sententiam Senatoribus tribus  
 aut quatuor accedentibus, rursus ex-  
 trà ordinem Loifellus addidit; necesse  
 sibi videri, quoniam inutiliter omnia  
 Senatusconsulta cederent, & nomine  
 Regis quotidie aliquid publicam in per-  
 niciem excogitaretur, vtque palàm  
 fieret nouitates istas Senatui valdè  
 displicere, simul & flagitiorum suorum  
 aliquandò pùderet inuentores, Sena-

tusconsultum quod interuenirēt, publi-  
 cè per urbē promulgari: cui talia dicēti  
 Protopræses ( qui, quamquam egregiis  
 alioqui animi dotibus conspicuus es-  
 set, ac Loifello non malè vellet, Riche-  
 lio tamen, quia per ipsū munus Proto-  
 præsidis adeptus erat, nullibi non adhe-  
 rebat, ) obstitit, ne quid ille sententiæ  
 suæ quam iam tulerat, adderet, ac cæ-  
 teros interpellaret. Quâ de causâ, Loi-  
 sellus, ne paulò pertinacior esse videretur,  
 conticuit, nec quod indignatione  
 iustâ ac generosâ commotus addide-  
 rat, urgere frustrâ voluit. Verumtamen  
 in primam ipsius sententiam omnibus  
 penè descendētibz, à Senatu rogatus  
 est deliberationem scriptis exponere.  
 Constitutum illud est ad 28 Nouem-  
 bris Anni 1631.

Chasteau Theodoricæ Castrum; vbi Richelius  
 Thierry accepto Senatusconsulti, simul & sen-  
 tentiæ Loifelli nuncio, vehementer  
 incitatus, cum neque beneficiâ,  
 neque promissis vllis, cum ad suas par-  
 tes adducere valuisset, sibi que perpe-  
 tuò obfistentem, cerneret, opprimen-  
 dum, vel saltem exagitandum esse cre-



didit ; ideòque in primis odiosum Rē-  
gi conatus est facere, quasi ipsius Maie-  
statem in Senatu labefactare quotidie  
niteretur. Vnde Rex aliquatenus com-  
motus, illustrissimo Principe Duce Monsieur  
de Longue-  
uille. Longauillæ præsente, qui Loifellum  
iam pridem diligebat, & magnificie-  
bat, de Senatu colloquutus ait ; Fui-  
se sibi relatum in maiori Camerâ Loi-  
fellum vnum è Patribus esse, qui sibi  
suæque auctoritati quotidie obfisteret:  
Id sibi valdè displicere ; quapropter,  
si persisteret, se collocaturum illum  
eo loco, in quo sponso rem ac fide-  
iussorem illius facile se præstaret. Qui-  
bus auditis Longauillanus, vtrò nec  
rogatus, summâ animi constantiâ Regi  
testatus est, Loifellum sibi charissi-  
mum esse, cui si male vellet, Maiesta-  
tem illius orare, vt sibi liceret eum ex-  
trâ Lutetiam alicubi apud se seruare  
atque habere. Longauillano denuò Monsieur  
de Longue-  
uille. Rex ait nondum eò se devenisse, vt ad-  
uersus Loifellum aliquid atrocius sta-  
tueret, moneri tamen velle vt in po-  
terum cauere, & abstinere.

Hæc autem Longauillani genero-

fitas ; quæ coram Rege Loifellum  
 sibi valdè cordi esse , tempore tam  
 periculoso professus est, non tantum ex  
 antiquâ, & quasi domesticâ, quâ pro-  
 secuebatur illum, beneuolentiâ, sed  
 etiam ex optimâ virtutum ipsius  
 existimatione, & peculiari quâdam ve-  
 neratione prodibat. Nam a 15 plùs  
 minùsue Annis Loifellus ipsius ne-  
 gotia non tantum tractauerat, sed  
 etiam in rebus intlmis & maximè se-  
 cretis, ipsi perpetuò suis Consiliis ad-  
 fuerat. Et hæc quidem Loifellus libētis-  
 simè faciebat, non ob id solū quod Ma-  
 ximi Principis negotiis præesse, sibi  
 valdè honorificum esse duceret sed,  
 etiam quia Pater Antonius Mariæ Bor-  
 boniæ Auiæ Longauillani plurimo  
 tempore Aduocatus fuerat, & ab ipsâ  
 non minus honoratus, quàm dilectus.  
 Verum cum priscis Regni Constitu-  
 tionibus vetitum sit, supremos Magi-  
 stratus stipendiis vllis, Principibus  
 obnoxios fieri, Loifellus, ne non ser-  
 uatarum Constitutionum argueretur,  
 nullam vmquam à Longauillano Pen-  
 sionem accipere voluit ; sed gratui-  
 tum

cum officium ipsi semper adeò præstitit, vt Longauillanus non quasi domesticum, aut sibi obnoxium, sed veluti Amicum Eum haberet, quem admodum istâ fidelitate satis demonstrauit.

Reuersus Lutetiam Longauillanus Loifellum illicò conuenit, cui verba Regis ità prudenter aperuit, vt Eum suæ salutis vtiliter moneret, nec tamen mœrore conficeret. Eâdem quoque humanitatè, quâ Regi pro ipso loquutus erat, si quid acerbius contingeret, secessum obtulit apud se quocumque vellet, atque etiam ad Nouocastrum in Heluetiis, quibus vbi-  
Neufchâstel en Suisse.  
 que locis, ipsum omnibus modis haberi suauissimè curaret. Multis itaque Longauillano gratiis actis, Loifellus non modò beneficium oblatum, si quid eueniret, acceptauit, sed etiam cum orauit, vt tantâ se beneuolentiâ perpetuò cōplecti vellet. De Richelio autem affirmauit; Se, nec odio, nec inuidiâ vllâ malè vnquàm Ei uoluisse; quin imò Cōmendationis ad Vandomiū ab ipso factæ de quâ dictū est, num-

quàm immemorem fuisse, & futurum  
semper obnoxium. Itaque si res pos-  
tularet, Officium illi reddere, sibi gra-  
tissimum fore. Richelium ipsum id  
non nescire, quandoquidem se Re-  
latorem ingentis controuersia, quam  
habebat aduersus D. Ducem Gui-  
sium, postulasset. Ideoque cùm in Se-  
natu de Negotiis publicis sententiam  
dixisset, ita semper colloquutum esse,  
vt perpetuò de Rege cum eâ, quâ de-  
bebat, reuerentiâ; de Richelio verò  
nihil vnquàm nominatim protulisse  
nemo nesciret. Denique quod bonum  
æquumque iudicasset, ingenuè qui-  
dem, sed absque vlllo felle, vel  
stomacho semper aperuisse. Ab hac  
autem consuetudine liberè sen-  
tiendi quam ex officio suo credebat,  
nec per Richelium, nec per vllum  
aliud prohiberi posse. Quicquid inde  
Senatus constitueret, aut quorsum res  
euaderent, non inquirere. Suam enim  
Conscientiam in tuto sentire, sibi satis  
esse.

Postridiè qui fuit primus Decem-  
bris, cum vno aut altero Amicis, de tē-

poris infelicitate pluribus conquestus, se quotidie Lictorem præstolari aiebat, qui ad D. Antonij Arcem, vulgò Bastilliam, deduceret; vnde fortasse non alium exitum habiturus esset, quàm D. Vandomius Magnus Franciæ Prior antea fortitus erat. Verùm quicquid immanius in se Richeliius moliretur, ad omnia paratum esse, etiamsi vel mori contingeret. Nam eo statu Rerum, quem quotidie peiorem fieri prævidebat, vitam haud valde sibi iucundam fore. Se satis igitur superque vixisse, modò Deum misericordem ac propitium experiretur.

A Meridie apud R. Pidonium Senatorem de prolixâ lite cuius erat Relator, colloquuto, ad dolorem cordis, vitæque fastidium, diuturni sermonis motus accessit. Vnde domum reuersus feбри continuâ cum æstu pulmonis, paterno morbo, quotidie augescente vexatus, viginti dies decubuit, per quos Sacramentis omnibus admodum humiliter ac piè perceptis, Psalmisque Davidicis frequenter re-

M. Pidons  
Conseiller.

citatis, sano semper animo, ac mentē  
in Deum intentā, suis adstantibus,  
ad 20<sup>um</sup>. Decembris eiusdem Anni  
1631, Ætatis autem ferè 60<sup>um</sup>. Vir ge-  
nerosissimus Animam efflauit.

Confestim tantus dolor Bonorum  
omnium qui virum nouerant, Animos  
inuasit, vt illius Mors, publica perni-  
cies aliquatenus credita sit. Rex ipse  
naturali Beneuolentiā quā viris opti-  
mis semper fauit, quamuis Loissellum,  
si diutius vixisset, Primum ē Senatori-  
bus qui ad Metim paulò post conuo-  
cati sunt, interdictum iri fateretur,  
nihilominus ipsius vicem se dolere di-  
xit, cum nuper accepisset, illum totā  
vitā non modò Iudicē integerrimum,  
sed etiam virum egregiè probum egis-  
se. Longauillanus autem ipsius mor-  
tem adeò defleuit, vt palām protulerit  
sibi videri Patris iacturam eā morte fe-  
cisse. Richelius quoque dolorē suū epi-  
stolā quādā testatus est, aut potius simu-  
lauit. Quibusdam enim aliquando Loi-  
selli virtutes corā ipso tollentibus, in  
hæc verba prorupit, *Sit Diuus, modò non  
sit viuus.* Vniuersitas verò Parisiensis

publico præconio quod typis excusum est, declamante Io. Tarino in æde sacrâ Mathurinorum ei parentavit, præcæ controuersia de Prato, quod vulgò vocant Clericorum, per ipsum vindicato, memor, & quasi pro Patrono Loifellum denique laudarunt diuersis Elogiis multi, quorum vnus Vir egregiè doctus condigno vocabulo *Romanorum ultimum* cum appellauit.

Pré aux  
Clercs,

Per omnem vitam literis optimis addictissimus fuit, præsertim humanioribus, & historicis, e quibus sententias atque alia quæ ad vitæ cultum, morumque institutionem pertinent, accuratè notata memoriter didicerat. Senior verò Scripturis Sacris, & Christianis Auctoribus ità delectatus est, vt nullum aliud solamen in vita sibi superesse diceret; Quod vt commodius, & absque impedimento perciperet, simul atque vacabat à negotiis, ad Solitudinem ruris secedebat. In primis autem D. Erasmi ac L. Viuis opera quæ ad pietatem instituunt diligebat; non quòd ipsorum, ac præsertim Erasmi doctrinam ab Ecclesiâ non

receptam amplecteretur, sed quia sentire se aiebat in illo cū mellitā quadam ratione dicendi, suauissimam quoque Pietatem, Cœlestemque Philosophiā ex literis sacris depromptā, quæ longè latèque in corde diffusa sibi valde solatio esset, & quam alibi facile non offenderet. Quapropter Ipsius *Manes*, cum I. A. Thuano, ità venerabatur, vt Erasmi Pietatem peculiaris & occulti cuiusdam Thesauri loco sibi haberet atque reputaret.

In Senatu siue Lites referret, siue Suffragium daret, multa paucis complectebatur, ita tamen, vt non minùs dilucidus quàm disertus esset, & nihil omitteret, *Quæ quidem Breuitas*, ait Tullius, non modò Senatoris, sed etiam Oratoris magna Laus est in sententiā. In quotidianis quoque Sermonibus eādem utebatur eloquentiā, quam sæpe condiebat salibus adèò lepidis, dièteriisque, tam opportunis, vt ad risum immodicum aliquotiès adstantes excitaret; quamquàm & in illis facetiis nonnihil graue & quod prodesse poterat, semper afferret. De rebus autem seriis

Lib. 5. de  
Vita.

Lib. 3. de  
Legibus  
cap. 18.



ità differebat, ut in illius dictis, quem-  
admodum in moribus, pateret esse ve-  
rissimum quod ait Psalmista. *Os iusti* Pl. 36.  
*meditabitur sapientiam, & lingua eius lo-*  
*quetur iudicium.*

Politicam Administrationem eam  
maximè commendabat, quâ curaba-  
tur ut potius floreret Imperiû, quàm ut  
dilataretur, sæpiùs ad id repetens *Spar-*  
*tam quam nactus es orna.* Nam victoriarû  
gloriâ, atque amplificatæ Ditionis uti-  
litatem, sæpe nihil aliud esse dicebat,  
quàm merû fucum, atque Phantasma,  
quod Principum Ministri, qui sibi so-  
lent immensas opes ex bellis, & ca-  
lamitate publica congerere, fascinan-  
dis hominum mentibus obtendunt.  
Quis enim Triumphorum honos, aie-  
bat, esse potest, ubi plurimus utrim-  
que sanguis effunditur? Quæ utilitas  
prolatorum Imperii limitum, quos  
adquirendo destruas, & pro quibus  
comparandis atque tutandis, dominiû  
antiquum omnibus modis afflixeris?  
Itaque iuxta Sententiam Alcædæ Re-  
gis Babylonii *Vanum esse ducebat multis* sleid. lib. x.  
*fatigari laboribus, & varijs implicari curis* de 4. lib.  
Pre

*amplificandi Regni causâ; quandoquidem ea res a nullam hominum salutem, & Utilitatem, sed ad detrimentum potius, atque servitutem Populi pertineret.*

De Diuitiis sæpiùs in ore habebat illud Horatii *Sulstitiam patiuntur opes.* ideoque Cælestē Philosophum in terris degentem ore vehementi proclamasse, *Va vobis Diuitibus.* Quâ stultitiâ ne forte ipse laboraret, sapienter cavuit. Nam etsi pluribus, bonis quàm umquam optasset aut sperasset, iisque ad 15. aut 18 millia Librarum quotannis accedentibus, ditatus fuisset, numquàm tamen inde se magis efferre, vel primis impensis majores addere cogitavit, sed in æquâ mediocritate perpetuò stetit, nec lautus nimium, nec nimium parcus.

Eà autem moderatione fecerat, ut non tantum in Munere gerendo ex visendis Litibus emolumentum, quod Species vocant, valde modicum acciperet, sed etiam succedentem ultro fortunam aliquandò respueret, & in omni necessitate opportunè liberalis esset. Nam Ecclesiastica Beneficia gratis

tis oblata non semel fastidiuit, & ex  
 iis quæ possidebat, quorum annuus  
 redditus erat octò ferè millium libra-  
 rum, Incolas inopes vel frumento su-  
 stentabat, vel ipsorum Beneficiorum  
 restaurationem fieri iubebat. Quod  
 etiam nunc patet in Prioratu Sancti  
 Saluatoris de Fraxino Diocesis Bello-  
 uacensis, cuius Templum à pluribus  
 annis dirutum, summâ ferè trigin-  
 ta sex millium Librarum ad id impen-  
 sâ, reparari curauit. Quibus de causis  
 eiusdem pagi Incolæ pro ipsius salute  
 dum lethali morbo laborabat, suppli-  
 cationibus publicis magnâ frequen-  
 tiâ Deum deprecabantur.

Prioré de  
 Fresnoy,

Ipsorum autem Beneficiorû hodie-  
 nû abusum quantum ad ipsorû prouē-  
 tus pertinet, tam iniquo animo ferebat,  
 ut ea bona, si starēt in Imperio Turcarû,  
 solâ vi ac regulâ politicæ ordinationis  
 sæpius ad meliores vsus iri conuersa  
 diceret, quàm nunc fit apud plerosq;  
 Christianos; tametsi utiliter ac prudēter

Antonium Patrem mirum est quantis obsequiis per omnem ætatem adiuturum, quæ tamen illi præstitit non tam ex officio suo, cui numquam defuit, quàm ex ingenti charitate, quâ prosecutus est illum & viuentem, & mortuum. Nam quoties ipsius virtutes enarrare cæperat, nec conticescere, nec præ gaudio, vel desiderio lachrymas erumpentes cohibere poterat. Illum denique Sanctis Cælitibus adscribere & annumerare solitus erat.

Hist. lib. 2. Breuiter de V. Loifello sentiendū ac prædicandum videtur quod de L. Pisonē Paterculus scripsit; *Fuisse mores eius vigore atque lenitate mixtissimos, & vix Quemquam reperiri potuisse qui aut otium (Scipionicum dico, non torpens ac veternosum) validius diligeret, aut facilius sufficeret negotio, & magis quæ agenda erant curaret, sine vllâ ostentatione agendi.*

Corpus habuit altâ gracilique staturâ, eâdemque agili, & expeditâ. Per omnem autem Ætatem ita sanus fuit, vt in lethali morbo doloribus auctis diceret, agnoscere se verè

numquàm priùs ægrotasse; quod opinandum est, ex sobrietate victûs ingenti, & exercitio corporis assiduo, illi contigisse. Vultum gerebat non modò liberalem, atque decorum, sed qui morum honestatem, & comitatem incredibilem præ se ferret, reuerendum quoque, & qui quodammodò virtutem ipsam in fronte pictam exprimebat, præsertim in senectute. Hunc in aduersis eo pacto componebat, vt semper æquus esse, nec tristior inde videretur; hilarior autem sæpissimè, tam ex virtutis occultæ conscientia, quàm ex summâ, quâ fruebatur, animi tranquillitate. Voce loquebatur argutâ, nitidâ, ac distinctâ; eoque modo cuncta proferebat, talique artificio componebat, vt suauitatem quamdam occultam in cordibus audientium excitaret. Hoc tamen Corpus adeò fortunatum atque Animi melioris hospitium quod Lutetiæ in maiori vrbs Templo conquiescit, sepulchro plumbeo prohibeant inludi. Antiquum lignum op-

inſignis, hæc verba tantum inſcribi vo-  
luit. VIDVS LOISELLVS HIC  
RESVRRECTIONEM EX-  
PECTAT, cuius Anima requieſcat  
in pace.

---

## E R R A T A.

**P**Ag. 10. lin. 11. pro *impartitam* lege  
*impertitam*. p. 12. l. 11. pro *Augustus*  
lege *Augustinum*. p. 23. l. 3. pro *Clemens*  
*VIII.* lege potius *Paulus V.* eadem p. l.  
11. pro *Fourbo* ſcribe *Furbo*. p. 35. l. 2. pro  
*in Senatum* lege *in Senatu*. p. 43. l. 6. pro  
*Vandomius* lege *Vindocinus*. pag. 45. l. 12.  
pro *humanoribus* lege *humanioribus*. ubique  
*Vidum* ſcribe per *vuicum V.*



IN OBITVM  
VVIDI LOISELLI  
SENATORIS CLARISSIMI  
ET INTEGERRIMI.



*Nsolitis, Hospes, quæris  
cur nubilus Æther  
Imbribus, atratos du-*

*cat in Orbe dies;*

*Cur inuoluatur tenebrosus tristior  
umbris*

*Nunc Phæbè, noctes duplicer  
atque suas;*

*• Funesto cur sit velata Ecclesia  
cultu,*

*Tristis et in lacrymarum angulus*

Cur gerat in mæsto plorans Aca-  
demia vultu

Signa, quibus vero corda dolore  
tument;

Interno cur sit pressus mærore Se-  
natus,

Et pateat magnâ publicus urbe  
dolor.

Occubuit Genius Themydis Loi-  
sellius, ipsa

Iuridica erepta est gloria clara  
toga:

Qui sanctâ pietate sibi deuinxit  
Olympum,

Et verâ prudens simplicitate  
Pios:

Sublime ingenium cuius, vigor  
igneus, atque

Tutata est miseros lingua di-  
serta reos.

Desine mæstitia, & tenebrarum



quærere causas:

Non micat extinctâ luce sere-  
na dies.

I. IACOBVS VEILLART

Succentor, & Canonicus Ec-  
clesiæ Parisiensis, scribebat

Ann. 1631.

„ Frid. Brummerus Commentarium ad  
„ Regem Cinciam scripsit; Juvenis magnæ  
„ spei, sed, cum in Gallia peregrinaretur,  
„ infelici fato aquis submersus. Editus  
„ ille est Parisiis, ac Joh. Bart. Colberto

